



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Sarasa, Alfonsus Antonius de
Antverpiae, 1664

Promoemivm.

urn:nbn:de:hbz:466:1-13517

TRACTATVS XII.

Seruus vocatus es? non sit tibi curæ.... qui enim in Domino vocatus est seruus, libertus est Domini: similiter qui liber vocatus est, seruus est Christi. Vnusquisque in quo vocatus est fratres, in hoc permaneat apud Deum. 1. ad Cor. 7.

Ostenditur, quod qui suo statu contentus est, etiam iis bonis & malis, quæ illum statum constituunt, debere acquiescere; hoc est dignitati, opificio, opulentia, parcitati bonorum, paupertati &c.

PRO O E M I V M.

PAULATIM quieti nos damus. Vinum dolio recente infusum, tam diu agitaturo calore indito, & ebullit, donec fæces omnes ex imo eduxerit: defacatum cum fuerit, quiescit, interque suos limites tranquillum stat. Quamdiu, Auditores, in animo turbatur quidpiam, turbatur totum; & vbi vnum tantum præter rationem efferuescit desiderium, in illo animo tranquillum est nihil. Illud egimus, statui tuo acquiescere ut velis, ac proinde omnibus quæ te ad hunc statum deuexere euentis. Acquiescis, ut video, & si rectè rationem in eo, vinum in caueam recondidi. Verùm utri mustum recens est, ebullire illud rursus paulatim video, neque satis arridere paucula quædam quæ statum tuum afficiunt. Et quidem varij proferrunt varia. Alij enim conditionem suam paulò difficiliorem quam par est, laboribusque plusculum expositam dolent: alijs plus paululum honoris; alijs diuitiatum aliquid plus adiici debuisse, aliquid etiam valetudinis & roboris, rectè ut se haberent

Oo 3

omnia;

omnia, commodèque conditionis sūx partes omnes explere vt possent. Ego certè querimonias omnes libens inaudiero, vt illas componam. Illudque ostendam, iniurias esse has Deo voces; rursus verò maximum esse errorem credere, vel teruncium, vel festucam tuo statui deesse; omnia conditioni tuæ ferendæ exactissimè esse adaptata, tibique conuenire, si tu statui adaptare te possis. Itaque si tuo statu' contentus es, illud illico consequitur, ijs te debere acquiescere, quæ statum tuum constituunt, & sine quibus non est Tuus.

§. I.

Vt statui tuo pleniùs acquiescas, magis ostenditur optimè id factum, ut in manu nostrâ non esset eligere, esse quod vellimus.

1. **I**N eandem, vti credo, sententiam mecum itis, illudque non àgrè conceditis, quemque suô debere vivere contentum statu, quem Diuina Prouidentia omnibus rectè expensis sapientissimè determinauit: ac proinde par esse acquiescere euentis omnibus, per quæ, quasi per instrumenta, status is tibi est efformatus: denique non alias animi internas dotes præ ijs, quæ habentur, sollicitè esse quærendas; cum illæ statui tuo rectè debitèque exigendo penitus sufficiant.

*Licet nobis
verum no-
strarū da-
retur optio;
non sumus
electionis
bona capa-
ces.*

2. Et verò, vt quod res est, loquamur candidè; ego sanè non video, quō pactō alium aut alium vitæ statum eligere potuisse-
mus nos, nisi quasi tacitè à magno illo Numine res ita circa nos
compositæ fuissent, vt non nisi paucarum admodum daretur
electio; in cæteras verò quasi illaberemur inducti. Quâ enim
ratione alterum præ altero eligere quis possit & præferre, nisi
vtrumque nouerit? nemo autem noscere rem aliquam dicendus
est, nisi eam penitus intimèque perspexerit: quis autem is est
mortalis homo, qui circumstantias omnes & prostases rerum
omnium, quarum daretur electio, penitus habeat introspectas?
Et rursus licet omnia nobis essent cognita & manifesta, quæ
quouis in statu bona sunt aut mala; timendum adhuc foret ne
affectionibus suis nimium dans natura, illis exceccata eligeret
id